


中國邊境史料通編

(秦—清)



中國邊境史料通編

(秦—清)

二三

洋防輯要卷二十三

淑浦嚴如煜纂圖輯

鹽政

安康張鵬飛補山梓

山東鹽法志

本司所轄一十九場惟八場徵鹽永利利國豐民豐國四場距海稍近監鹽於地其形類今謂之監鹽是也永阜新鎮王家岡寧海四場距海不啻六七十里而遙鹽熬於盤其形散今謂之末鹽是也然煎之之法率以天時爲本而成之以人力每歲春夏間天氣清明取池鹵注盤中煎之盤四角搭爲一織葦欄盤上週塗以屨泥自子至亥謂之一伏火凡六乾燒鹽六盤盤百斤凡六百斤爲火引鹽一餘二百斤詰且仍出坑灰攤曬亭場間至中俟鹽花浸入灰內仍實灰於坊以取鹵其試鹵必以石蓮投之鹵中沉而下者爲澹鹵浮而橫側者爲生澹鹵煎之費蒞薪必浮而立於鹵面者乃昏八盤煎之頃刻

羊片昆豆

卷二十三

鹽務

而就將成仍投以皂角數斤鹽始凝結至於積灰則以年久爲良漚水潰潤出鹽尤多然久旱則潮氣下降土燥而鹽不生花久雨則客水浸溢亭場沾濕曬灰又致銷蝕故以灰取漚必雨暘時若而後鹽始豐若夫曬鹽之法其取漚則又有灰淋土淋之殊土淋之法以耨插起鹹鹺潮灘土曬乾實土池中注水取漚如灰淋法每竈各砌磚石爲大灑池旭日晴霽挽坑井所積漚水滲入池中曝之自辰逮申不煩鎗鬻之力即可掃鹽以輸官少陰晦則絕無鹽故海埂之場多曬鹽而場去斥鹵遠者多火鹽鹽品以散爲上而監次之

夫募商鬻鹽肇自宋雍熙間其法以商輸芻粟塞下而官給之鹽夫亦漢置錯遺策也識者矚之明洪武初循用其策以東甯專供遼代芻粟累朝邊計賴焉成化間稍更以入金自是飛輓不繼於邊塞其策與彼孰多此未易講也蓋不獨東甯已矣東甯商課較他方甚微

渺其中鹽引僅一十二萬餘耳顧有內商有邊商邊商則報中鹽引於遼代輸芻粟與金各半之以金計每引僅值金一錢又半之內商則轉購鹽引於邊商藉以鬻餘鹽牟利而鹺司徵其金歲額以兩計凡五萬輸而之計部計部復輸而之邊鎮猶存國初實邊遺意焉司計者所宜殫心也運使甘一驥開鹽河議查得洛口下流見今上接新冶大清河通行濱州霑化利津入海以收寧海等八鹽場之利爲山東梁宋之用並無湮塞無容再議其所稱鹽河故道久湮難尋則小清河南一支逕流青州等府樂安等縣海滄等十一場入海者也國初山東鹽河有東北二大支其北一支屬洛口蒲臺二批驗所爲大清河洛口上流自東平墳河口東阿平陰長清齊河而東入洛口下流經齊東蒲臺濱州霑化利津入海以通寧海永阜豐國永利利國富國豐民王家岡等場運鹽出入場過蒲臺洛口二關而達運河

此鹽河北一支屬洛口蒲臺二所而達寧海等八場之鹽利者也其東一支屬樂安批驗所爲小清河出趵突泉流大明湖經華不注山流龍山經章邱流清塔沙三河經鄒平長山新城流孝婦河又東經高苑博興流烏河其名烏河者一名乾時左傳公與齊侯戰於乾時是也一名時水杜預注時水在樂安縣界臨淄二十五里是也源出益都矮槐樹北又有系河者在長山縣北二十里源出范城店經新城界流烏河而入小清河其名孝婦河者源出益都西顏神鎮三里經苗川長山新城北抵高苑博興樂安東北達高家港又有泔河者在長山縣南二里源出米山自城南流孝婦河而入小清河又有乾溝河者在長山縣西南三十里源出長白山流孝婦河而入小清河其名清沙河者清河一名繡江在章邱縣東一里源出會仙山下合百脈泉東西二麻灣泉西北匯入雲湖而入小清河沙河在鄒平

縣西三百步源出大峪山西北而入小清河諸水皆由馬車瀆支脈河澄海口北入海自小河而南上流則爲臨淄縣之淄河澗水康浪水爲益都縣之巨洋水爲臨朐縣之培水石溝水爲沂州之東沭河西沭河沐河湯河爲郯城縣之大方湖沂河經徐州邳宿而達黃河自小清而東下流則爲壽光縣之沮河龍泉水王欽水爲日照縣之付疇河竹子河大兒莊河在萊州府則爲濰縣之濰河淮河白浪河寒浞河爲昌邑縣之浮康河七溝河爲膠州之膠萊河洋河爲高密縣之張魯河五龍河白水河爲平度州之雲河現河蘇村河墨水漱玉泉乳泉爲卽墨縣之土液泉龍泉爲掖縣之南陽河掖河白沙河萬歲河杲村河上官河在登州府則爲招遠縣之萬盛河五澗河爲萊陽縣之五龍河陶張河平南河爲福山縣之清洋河義井河而登萊等府壽光日照等縣各有支河入海此鹽河南一支屬樂安批驗

所而通海滄高家港等十一場之鹽利者也成化以後海滄等十一場支河乾涸商旅不行邳州改行淮鹽開歸改行河東樂安批驗所裁革而鹽河南一支故道遂曰就湮沒無復可尋矣十一場竈丁改徵折銀每引七分五釐共徵六千餘兩舍其所產徵其所乏而竈丁漸累漸逃愈逃愈累無復更生之望矣近乘開歸分認地方之會議豁折銀復本色仍照附省竈丁例五分四釐支商歲減徵銀一千七百兩而十一場貧竈庶幾少蘇顧十一場水利湮廢竈鹽不售所謂洶濕濡洙烏在其能蘇竈也鹽河僅存者北一支大清河耳洛口爲大清下流齊東縣間有淺處尙無湮塞蒲臺而下通行濱州利津霑化入海大清上流自汶河口築而鹽舟不達於運河至魚山車運三十里上船而商人始告病矣運河之水涓滴不復鹽河加以連年旱乾商人舍舟從陸而大清又幾廢矣幸蒙廟堂採議濬五泉建五閘

以復大清之舊以通寧海等八鹽場之利不獨山東舊額五萬兩賴之卽梁宋新額一萬六千兩亦取辦於此矣但往以十九場而應全齊梁宋今以八場而應全齊梁宋源少流濶恐不可繼明問欲舉鹽河改道而盡復之誠盛心也但樂安北負海日照南負海登萊東負海古所謂天府之國齊得十二焉而不得收負海之利豈非有其地無其人乎凡有憂國憂民之心者不能不拜明問而扼腕也竊念天下之事當與天下之人共爲之百世之利當爲百世之規其與之功不必自我出我開其端而俾後人底其績可也效不必旦夕計今創其畫而俾後數十年竟其功亦可也蓋民可與樂成難與慮始驟語之以興水利必忽焉而不信今且倣之以除水害驟語之以開河通舟楫必駭焉而懼擾今且引之以通溝渠庶幾其有濟乎夫一市之中必有一市之溝不然市遇淫雨必害於一市矣一村之內必有一

水經卷之二十一
村之溝不然村遇霖雨必害於一村矣况大而一邑又大而一郡不通溝洫不洩下流豈不害於一邑一郡哉宜下令各邑繪圖貼說某村之溝以某村爲下流各郡繪圖貼說某邑之溝以某邑爲下流邑各率其境內合一市之力通一市之溝合一村之力通一村之溝合一邑之力通一邑之溝邑之下流有壅者郡助之費以通之而一邑之水害弭矣一邑之故道出矣郡之下流有壅者藩司助之費以通之而一郡之水害弭矣一郡之故道出矣語云禹以四海爲壑又云禹盡力於溝洫善治水者未有不通下流亦未有不自溝洫始也古今異宜陵谷變遷凡可通處卽爲故道誌書所載諸水不必泥也凡可入海處卽爲壑禹之九河不必追也時訓舉羸大象未易輕動苟有溝渠以洩下流卽可與民安堵不必遽望通鹽河興舟楫之利也溝渠旣通下流旣洩水害旣除故道旣出藩司又繪一閭省水利總

圖某郡之水由某邑歸於運河某郡之水由某邑歸於黃河某郡之水由某邑歸於海某處下流可蓄應建閘以蓄水某處上流有泉可濬應導泉以濟水仍爲圖說詔後之來者近而數年或遠而數十年時和歲豐物力充盛必有能因時立政盡復鹽河之舊以通商盡輸海滄諸場之鹽以惠竈盡通山海之利以還先齊民物輻輳之盛者矣

江南鹽法考

管子以海王之國謹正其鹽筴告桓公伐菹薪煮海水爲鹽正而積之十月至於正月成二萬鍾公使糴之得成金三萬斤於是齊有渠展之鹽國用富強後世言鹽利者皆昉焉漢初弛山海之禁不領於縣官經費而吳王濞招致天下亡命來煮海水爲鹽以故國無賦而用饒其後卒以謀逆敗元狩中以東郭咸陽孔僅言置鹽鐵官募民

鹽車

因官器作鬻鹽官爲牢盆

今有煎鹽官
厥即其制

敢私鬻鹽者別左趾沒其器

物已罷行無常唐乾元初第五琦變鹽法就山海井近利之地置鹽

院籍游民業鹽者爲亭戶免雜徭煮鹽盜鬻者論

罪今煎鹽竈
戶因此

其後

海東鹽劉晏主之晏上鹽法輕重之議以爲官多則民擾宜但於出

鹽之鄉爲置吏置亭戶收鹽轉鬻商任其所之其去鹽鄉遠者轉官

鹽於所在置之商絕鹽貴則減價以糶曰常平鹽官得其利而民不

知貴而諸道故有椎鹽錢商舟所近復有稅錢晏悉奏罷之商民均

利歲鹽利至六百餘萬緡居天下賦稅之半國用給焉宋制諸鹽聽

州縣給賣歲課所入申尚書省而轉運使操其贏佐一路之費兩淮

鹽行江浙荆湖諸路所謂末鹽者也

鹽出於海設竈戶烹熬煎煉而
成謂之末鹽即周官散鹽也若

解州出鹽池者得西風水北而成謂之類鹽即周官監鹽也未鹽在

楚州鹽城鹽炭者四十一萬七千餘石通州豐利鹽四十八萬九千

餘石泰州海陵鹽如臯倉小海場六十五萬六千餘石海州鹽蒲臺

海州安三場歲煮鹽四十七萬七千餘石連水軍海口場十一萬五

石餘人之軍吏因於轉輸舟卒侵鹽雜沙土鹽惡不可食坐鞭笞徒配相繼莫能止而積鹽多露積無屋貯至生合抱木其上其數莫可較天聖間用翰林學士盛度言於是詔罷官自鬻聽入金錢京師權貨務而以江淮若兩池鹽給之歲增課十五萬其後西事劇募商人輸芻粟塞下又置折中倉聽商人以金銀若輸粟輸他貨於京師入中者優其直予券以所在鹽給償後世召商中鹽之法自此始也自唐始權鹽歲天下鹽利裁四十萬緡劉晏增之至六百餘萬緡迨宋紹興末泰州海陵一監支鹽二十餘萬爲錢幾七百緡區區一州唐時天下征權之數而尤浮之於鹽利壘取盡矣明以鹽課給九邊糧餉而水旱凶荒亦時藉以賑民於天下設都轉運使司者六而兩淮居其一歲課百二十餘萬幾與漕運米直等初沿海竈丁俱以附近有丁產者允之免襍役徭給草蕩其罪犯自遷徙以下刑止杖仍發

煎鹽其煎辦以下爲率初制引四百斤尋改辦小引半之每丁歲辦小引鹽一
十六計兩淮鹽歲額引七十萬五千有奇歲終轉運司所辦出給課
如目土以待會虧額者追理凡竈丁所煎鹽一引給工本鈔二貫時
鈔一貫直錢千優之合用引目運司官以時請於戶部請內府印造
給付乃召商納粟中監量所在米價高下道里遠近爲之則中已出
納引請場行支鹽如目鹽出場經批驗所依數驗掣而所過官司辦
驗放行其轉賣各照上所定行鹽池毋過界若引與鹽雜泛越境賣
者同私鹽追斷商賣鹽已卽所在退引非官偽造引者斬諸監臨勢
要令家僕行商中鹽侵民科者罪如律蓋法令甚嚴如此然於時商
中鹽者引輸銀八分上所權利甚微而商利甚厚以總利權抑專擅
贍民食而已永樂中令商於各邊納米二斗五升或粟四斗淮鹽一
引於是富商大賈自出財力招遊民墾田田日就熟而年穀屢豐甘

肅寧夏粟石直銀二錢而邊以大裕宣德中施大惠於天下歲遣御史督視鹽法令各運司查中鹽商年遠事故無子孫支給者行原籍官司每引給資米鈔二十錠優恤之正統初令淮浙貧竈有餘鹽官給米麥取之竈丁逃移者鹽課司核實停其征又令各商守支年深不得鹽者聽以十分爲率支准鹽四分其六分於山東運司不願兌者聽守支諸所爲隱恤商竈甚厚其後始分爲常股存積常股者商人中納依次守支之鹽存積者積鹽在場遇邊餉急增價開中越次而放支之鹽也存積行而常股益艱滯商人子守支數十年老死不得支而兄弟妻子代之支者矣正統十二年以前令兩淮鹽課以十分爲率存積二分常股八分以後存積增至四分景泰元年又增至六分天順中御史李宏請照正統十四年例先儘派完存積商人撥派到場即支不拘資格常股依次支給不許越成化七年以後減存積二分仍作二分正德七年御史朱冠題准七分爲常股邊餉開中三分爲存積收貯在倉非遇緊急不許成化中戶部尚書葉淇言商人輸粟二斗五升是以銀五分得

鹽一分也請更其法課輸鹽於運司銀四錢支鹽一引可得粟二石是以一引之鹽坐致八倍之利且商人銀納運司道近而便安是上下交利之道奏可於是商人引鹽悉輸銀於運司類解戶部歲驟增至百餘萬兩諸商墾田塞下者悉撤業歸西北商或徙家於淮以便鹽而邊地爲墟粟湧貴石至值五兩時議者屢言虛邊儲而實太倉非計顧歲所增入當致十倍一歲錢穀之數而縣官支費日煩卽緩急可以支應慮不能損目前厚利以深惟邊計欲復如祖宗時盡輸粟塞下及薄取八分之利必不可得矣宏治中御史馮元中奏言開中邊方引鹽莫肯趨納皆由運司開賣故商人舍遠就近下戶部議令自今各邊招商上納本色糧草如舊制未幾復廢時天子加意於國家盈縮之變召閣學士計屯田茶馬之政甚悉已及鹽大學士李東陽言今者鹽法壞盡各邊開中徒有名而商實失利類不肯中納

上問何也諸臣曰極言皇親王府及內臣奏討之弊奏討者一夾帶者十弊尤甚因言國初茶馬法行有歐陽駙馬者爲夾販高祖震怒曰我才一行法卽欲首壞之耶遂置極典此事今皆不敢言上慨然曰非不敢言乃不肯言耳於是下詔言鹽國用所需近年欽賞數多又內外勢要人奏討奏買乃是攙越支賣夾帶私販以致上損國課下奪民財此遵何義哉其悉住還官自今各邊開中引鹽及糴買糧草勢要不得求討窩占巡撫糧儲官毋阿徇受囑違者聽巡按御史糾劾無何上賓至正德中用事者悉託名討鹽徑自奏中增價發賣不復遵舊制而鹽法決裂盡矣嘉靖初申飭鹽法之政令議者紛紛言利事析秋毫而法復一變五年用御史戴金言每正鹽一引許帶餘鹽一引正引於各邊納糧草餘鹽納糧運司解部其夾帶多餘者割没入官歲增餘鹽銀六十萬兩

正德中御史秦越亦言餘鹽至是始爲定制

其後鹽法